

Extrait des Annales de la Société Entomologique de Belgique  
TOME XXXVI, 1892.

## RHYNCHOTA ÆTHIOPICA

descripsit E. Bergroth. C

Fam. PENTATOMIDÆ.

1. *Holcostethus Distanti* n. sp. — Subobovatus, pallide stramineus, fuscoferrugineo-punctatus, disco pronoti pone medium ferrugineo-tincto, articulo ultimo rostri (basi excepta), maculis duabus transversis ante medium pronoti, macula majuscula basali semilunari scutelli maculaque hujus parva laterali ante apicem, vitta media corii antice et postice abbreviata, macula minuta ad acetabula omnia et utrinque ad marginem anticum mesosterni, strigula brevi ad angulos posticos prosterni, puncto ad angulos posticos segmentorum ventralium, maculis tribus parvis pone medium femorum dorsoque abdominis piceo-nigris. Caput valde nutans, sat crebre punctatum, antennis ferrugineis. Pronotum antice fortiter declive sat remote irregulariter punctatum, pone medium paullo densius et magis regulariter punctatum, marginibus antico-lateralibus subrectis, obtusiusculis, impunctatis, lævibus, angulis lateralibus rotundatis, haud eminentis. Scutellum minus dense, basi et apice remotissime punctatum. Hemelytra apicem abdominis vix superantia, corio minus dense punctato, margine laterali ante medium lævi, obtusiusculo, impunctato, membrana infuscata. Pectus sat dense punctatum. Abdomen hemelytris paullo latius, margine laterali pallido, superne impicto, ventre sat dense punctato, medio anguste sublævigato. — Long. ♀ 6 mm.

Africa australis.

Corpore antice fortiter declivi *H. scapulari* Thunb. affinis, sed ceteris notis facillime distinctus.

2. *Halyomorpha bimaculata* n. sp. — Subovata, subopaca, subtus straminea, inæqualiter fusco-punctata, supra fusco-testacea, sat dense hic et illic acervatim fusco- vel nigro-punctata, vittis duabus mediis mesosterni, macula media segmenti sexti ventralis spiraculisque fusco-nigris, maculis duabus perminutis ante medium pronoti et callis tribus parvis basalibus scutelli, uno utrinque mox intra foveolam nigram angularem, uno in medio, pallidis, scutello præterea maculis duabus majusculis basalibus eburneis lævibus ornatæ. Caput longitudine paullo latius, tylo jugis paullulum longiore, rostro apicem segmenti ventralis secundi subattingente, testaceo, articulo ultimo nigro, antennis tenuibus,

on list

on computer

catalogued

typed rec.

testaceis, articulis tribus primis fusco-punctatis, tertio apice nigro, duobus ultimis basi excepta fuscis, articulo tertio secundo parum longiore, quarto secundo dimidio longiore, quinto et quarto æque longis. Pronotum marginibus lateralibus anticis levissime rotundatum, angulis lateralibus levissime prominulis, subrotundatis. Hemelytra apicem abdominis paullo superantia, membrana seriebus tribus transversis arcuatis macularum parvarum fuscis in venis positarum signata. Abdomen hemelytris latius, connexivo fusco-nigro, macula media laterali segmentorum sordide testacea. Pedes testacei, fusco-punctati, tibiis annulis duobus subfuscis signatis. — Long. ♀ 14 mm.

Sierra Leone.

Ab *H. annulicorni* Sign. statura majore et ceteris notis allatis facile distincta.

#### Fam. REDUVIIDÆ.

3. *Coranus longiceps* n. sp. — Niger, parca longius pilosus, macula parva mox extra ocellos, angulis apicalibus et tuberculis quattuor anticis pronoti, carina scutelli, metasterno medio, disco ventris, maculis marginalibus abdominis dimidium apicalem segmentorum occupantibus, segmento genitali, maculis superioribus femorum, tibiis tarsisque flavidis, annulis duobus subbasalibus et apice tibiaram apiceque tarsorum fuscis, antennis piceo-testaceis, articulo primo rostri apice obsolete pallescente, hemelytris fuscis, disco dorsi abdominis rufo, ventre lateribus fusco-variegato. Caput pronoto longitudine æquale, e latere visum depressum, elongatum, antorsum parum attenuatum, a supero visum ab oculis retrorsum sensim angustatum, parte anteoculari et postoculari æque longis, articulo secundo rostri primo longiore. Pronotum lobo postico rugoso-punctatum, angulis lateralibus rotundatis, levissime prominulis. Carina scutelli postice nonnihil elevata. — Long. ♂ 10 mm.

Africa australis.

*C. oblongicipiti* Stål structura capitis affinis, sed pictura *C. pullo* Stål multo similior.

4. *Endochus africanus* n. sp. — Supra ferrugineo-testaceus, subtus pallide lurido-testaceus, spina laterali pronoti fusco-nigra, capite, pronoto, pectore, scutello ac coriis atomis numerosis abido-puberulis conspersis, membrana umbrata, venis (presertim posticis) fuscis, pedibus pallide flaventibus, annulo anteapicali femorum anticorum, tibiis anticis geniculisque posterioribus rufescentibus. Caput pronoto distincte brevius, articulo primo antennarum capiti pronoto scutelloque unitis longitudine æquali, flavo-rufes-

cente, basi, apice et annulo paullo pone medium obscurioribus (ceteri articuli desunt). Pronotum lateribus inter lobos levissime constrictum, lobo antico lævi, angulis anticis obtuse tuberculatis, lobo postico antico dimidio longiore, subtilissime concoloriter punctulato, disco spinis et tuberculis destituto, angulis lateralibus pone spinam inermibus. Scutellum apice leviter deplanatum et pallescens, summo apice anguste rotundato. Abdomen subtus subtilissime adpresse puberulum, marginibus lateralibus segmenti quinti pone medium levissime rotundato-ampliat. — Long. ♀ 16,5–18 mm.

Sierra Leone (Rhobomp) et Gabon.

Hoc genus solum ex Asia tropica et Australia adhuc cognitum fuit.

5. *Cleptria bicolor* n. sp. — Corallina, antennis, hemelytris (corii basi, limbo costali venaque interna exceptis), macula laterali postica mesosterni, metasterno, macula basali ventris utrinque, segmento ultimo ventrali (lateribus et basi medio exceptis), segmento genitali maris, annulo subapicali femorum posticorum subbasalique tibiaram posticarum fusco-nigris, annulo tibiali dilutiore et magis diffusa, tarsis luridis. Caput æque latum ac longum, tylo distincte compresso-elevato, oculis maximis totam altitudinem capitis occupantibus, supra quam subtus plus quam duplo latius distantibus, antennis longe erecte ferrugineo-pilosis, articulo secundo primo saltem tertia parte longiore. Pronotum longitudine latius, longe ante medium leviter constrictum, angulis lateralibus rotundatis, haud prominulis, angulis posticis fere deletis, lobo postico antico duplo et dimidio longiore. Hemelytra apicem abdominis longe superantia. Abdomen subtus convexum, lateribus nonnihil explanatum et paullum intra marginem lateralem longitudinaliter carinatum, spiraculis mox intra carinam sublateralem positis et hanc contingentibus, segmento secundo ventrali medio longitudinaliter sulcato, segmentis insequentibus carina media longitudinali instructis. — Long. ♂ 13, cum hemelytr. 15 mm.

Africa australis.

*C. oculata* Stål affinis sed oculis subtus magis approximatis, lobo antico pronoti brevior, ventre medio carinato nec sulcato coloreque pectoris distincta.

Species supra descriptæ in collectione G. Fallou asservantur.